



30 JANNEWAAR 2015

RODAHAL KERKRADE

STICHTING LVK EN L1 REJELE TSEZAME MIT
D'R KIRCHRÖATSJER VASTELOAVENDS VERAIN " ALAAF KIRCHROA 1936 "

LVK FINALE 2015

D'R PROJRAM



MIT DANK AA:

WWW.KVV1936.NL

Wiertz
personeelsdiensten

U RENT
AUDIO LIGHT VIDEO
WWW.U-RENT.BIZ

VanMelick
the catering company

LVK - FINALE

Kirchroa

Rodahal

2015

vredig 30 jannewari

Präsentasie: Henk Hover

Samesjtelling: Jos Cremers, Sjtichting LVK

Vormgaevung: Buro Pro, Piet Rooijackers

Drök: Schrijen-Lippertz

Omsjlaag: Jan-Willem Buck Ontwerp & Drukwerk

Foto's: Fred Janssen



VEURWOORD VEURZITTER SJTICHTING LVK

Ein druimscenario veur De Toddezek: het LVK veur de derde kiér winne en dan auch nog bei hun eige Plaggehouwers in Grubbevors! Het door heur gezonge 'Leedje' bleek neet zoe 'Onhendig' te zien en heure druim woort werkelijkheid. Wat waas het ein geweldig fiës met alle finalisten op het einde op de bühne! Diezelfde Toddezek biete dan auch als winnaar van het LVK 2014 de spits van vanaovend aaf en dit kier doon ze det in de Rodahal bei de Kirchroatsjer Vasteloavends Verein 'Alaaf Kirchroa 1936'!

Ein verein mit veul gesjiedenis, biezongere gebroeke en tradities. In 2000 ware wae hei al ierder te gast. Toen ging Wiel Vestjens en Gé Deenen mit 'Josefien' mit de hoëgste ier strieke. Nao 15 jaor kommen wae wer truuks nao de stad die dit Limburgs 'Wereldmuziekkonkoer' auch hiel erg gaer wer wilde organiseren! En dao zien wae as bestuur hiel bleij met want de LVK-trein waas allang neet miér in de Parkstad gestopt.

Wae zien dit jaor mit 218 leedjes begos, 16 mier dan het veurig jaor. 158 leedjes veele aaf in de halve finale en van de overgebleeve 61 zeen wae der nou

20 truuks in de finale. Ein leedje miér dan de 19 die wae gewend ware. Warum eigenlik? Umdet wae de reglementen aangepast hebbe. Det doon wae um telkens ein good evenwich te vinge tösse wat aan verneijing toe is en wat zeker behaoje mot blieve!



Joep Verbugt

Zo mot het LVK herkinbaar blieve in de ganse provincie en daorum laote wae in de finale neet 1 mer 3 deilnemers per regio optreije. Daobeej wille wae het deskundig oordeil van de hoofdjury miér laote mit telle waordoer neet de hoëgste 3 mer de hoëgste 5 van diezelfde jury automatisch geplaats waere veur de finale.

Mer de groëtste verangering dit jaor zit toch wel in het aafsjaffen van het bonnesysteem! Hongerddoezende bonne zien der in al die jaore ingesteurd. Het leverde duk miér stumme op dan veur de provinci-

ale statenverkeezingen! Het zurgde veur belaeving, enthousiasme, chauvinisme, creativiteit, ergernis, hoop, teleurstelling, verongelijkheid, eine ontieglik haup poszegels, verrekte veul telwerk, miljoene stripkes en vooral veul discussie. Hiël veul discussie! De neije techniek heet de bonne nou overbodig gemakt en garandeert evegood de stum van het volk. Want die stum mot altied bei het LVK blieve doorklinke.

Dank aan alle bonnetellers die jaorelang belangloos geteld hebbe en aan Dagblad De Limburger die dezelfde bonne al die jaore gesponsord heb-

ben. Dank auch aan alle sponsors van vandaag en nateurlik aan L1 die Limburg vanaovend wer lut mej geneete van waat heej in deez vasteloavestempel stieit te gebeure!

Het spel stieit wer oppe wage en alle veurbereidingen zien aafgerond. Ich wins uch allemaol eine prachtige aovend en alle artieste hiël erg veul succes. Eine neije druim stieit op het punt in vervulling te gaon!

En wae houwe op de kis umdet er veur de 39e kier ein LVK finale is.

Joep Verbugt
Veurzitter Stichting LVK

SJTICHTING LVK

‘t Besjtuur besjteit oet (op de foto van links nao rechs):
Ron Aspers • Jos Cremers • Erik Brouns
Joep Verbugt • Elise van Wordragen
John Habets • Stan Spaauwen • Jan Volleberg
(neet oppe foto Brigitte van Eck)

Posbös 1625 • 6201 BP Mestreech
info@stichtinglvk.nl



Kirchroa sjoenkelt!

Op d'r 30e jannewaar 2015 sjieet Kirchroa werm in de sjienwerfere, den da weëd in de Rodahal de finale van 't LVK jehaode.
Tout Limburg treënt doabij aa.

Vuur ózze Kirchröatsjer Vasteloavendsverain '**'Alaaf Kirchroa 1936'**' (aaf-jekót: d'r KVV) is 't ing janse ier um ing veransjtaltoeng wie 't LVK, tsezame mit L1, de Rodahal en de sjieftóng LVK, tse orjaniezere.
D'r KVV is sjoots wie Oskar en vräut ziech óp d'r bezuk oes de janse provins.

In 't joar 2000 woar de LVK finale óch i Kirchroa.
Drum wósse vier al vöäl va wat óp ós aaf-koam. In de nui Rodahal, verbouwd i 2009, junt 3.500 karnavaliste inne oavend beleëve dem zie noeëts mieë zalle verjèse.

Anno 2015 is de Rodahal mit zicherheet 'top of the bill' en dat danke vier an de jemeende Kirchroa.
In de Rodahal vinge jidder joar de zietsónge van ózze sjunne verain plaatsj, wie óch 't Jalabal van ós ex-prinse. D'r KVV hat vurrieg joar zie 7x11 jöariegs joebielejoem jevierd. Mit de orjaniezatsjoeën van 't LVK sjriewe vier werm e sjituk verainsjesjiechte.
Iech dank d'r vuursjtand van 't LVK vuur 't vertrou-



we in d'r KVV. Wieér wil iech jiderinne bedanke
deë ziech de aaf-jelofe wèche hat i-jezatsd um de
LVK finale 2015 i Kirchroa tsem erfolg tse maache.
Iech wunsj alle lü en alle artieste en vuural 't poe-
blekoem inne ónverjèsliege oavend in ós Kirchroa:
't sjunste óp de welt, wat d'r herjód hat jemaad!

Alaaf!

Walter Sterk,
Prezident
Kirchröatsjer Vasteloavendserain
'Alaaf Kirchroa 1936'



Veurwoord burgemeester Jos Som,

Klank en kluur a eje duur.

Zonder te winnen toch onuitwisbare LVK-historie schrijven, dat is Kerkrade en d'r Kirchröätsjer Vasteloavendsverain toevertrouwd. Kerkrade was in het magische jaar 2000 de allereerste finaleplaats in de Oostelijke Mijnstreek. Een finale die bovendien voor het eerst via L1 op televisie was te zien. De Rodahal puipte uit en de Limburgse kranten kopten na afloop: 'Een puur Limburgs verbroederingsfeest'.

Vijftien jaar later. Nauwelijks alle mooie momenten van het 7x11 jarig jubileumseizoen van d'r Kirchröätsjer Vasteloavendsverain verwerkt, dient zich de 'hoogmis' van de Limburgse carnaval aan met als grootste uitdaging om er opnieuw één groot verbroederingsfeest van te maken. Ook dat is Kerkrade en d'r Kirchröätsjer Vasteloavendsverain toevertrouwd.

De LVK-finale is onze exponent van 'Klank en kluur a eje duur'. De finalisten en de vele duizenden bezoekers zullen Kerkrade ervaren als 't Sjunste op de Welt, de LVK-finale zich herinneren als 'Wat e fes!' en begrijpen waarom met carnaval 'D'r Joep van d'r Zokkel aaf kunt'.



'Sjpas verbingt', het Kerkraadse carnavalsmotto voor 2015, regeert tijdens de LVK-finale. Heel Limburg komt of kijkt naar Kerkrade om zich laten te verbinden. Om één te worden met de 'klank en kluur' van het LVK en de rijke Kerkraadse carnavalscultuur.

*Jos Som
Burgemeister*



Marjolein Heijltjes

Marjolein Heijltjes (28 jaar) is van jongens af aan bezig met zang, dans en toneel. Zo volgde zij onder andere toneellessen bij Theaterschool Kiek en begon ze op haar 15e met zanglessen. Daarnaast speelt ze dwarsfluit en deed, met succes, mee aan verschillende concoursen. Tijdens haar HBO opleiding Facility Management besloot ze toch van haar passie haar beroep te willen maken. Ze deed succesvol auditie voor de MusicAllFactory, een professionele deeltijd musicalopleiding in Tilburg, welke zij in juni 2013 afrondde. Zij volgde masterclasses van Edward Hoepelman, Paul Eenens en Rebecca Parris en zangles bij onder andere Jan Gooren, Harry Ruijl, Ingrid Zeegers, Katrien Verheijden en Ingrid van den Nieuwenhuizen. In 2014 speelde Marjolein een hoofdrol in de musicalproductie Heksenwaan. Vanaf september 2015 is zij door heel Nederland te zien in de theatertour van Holland's Glorie. Marjolein is leadzangeres bij o.a. Spot On en PartyBoest. Daarnaast is ze als freelance zangeres/actrice betrokken bij uiteenlopende projecten en geeft ze vocal coaching aan beginnende zangers.



Marjolein Heijltjes
(zangeres Limburgs Volksleed)

Het Limburgs Volkslied

'Limburg mijn Vaderland'

Waar in 't bronsgroen eikenhout
't nachtegaaltje zingt;
Over 't malse korenveld
't lied des leeuweriks klinkt
Waar de hoorn des herders schalt
langs der beekjes boord

refrein:

*Daar is mijn Vaderland
Limburgs dierbaar oord!
Daar is mijn Vaderland
Limburgs dierbaar oord!*

Waar de brede stroom der Maas
statig zeewaarts vloeit
Weeldrig sappig veldgewas
kost'lijk groeit en bloeit
Bloemengaard en beemd en bos
overheerlijk gloort

Waar der vaad'ren schone taal
klinkt met held're kracht
Waar men kloek en fier van aard
vreemde praal veracht
Eigen zeden, eigen schoon
't hart des volks bekoort

Waar aan 't oud Oranjehuis
't volk blijft hou en trouw
Met ons roemrijk Nederland
één in vreugd en rouw
Trouw aan plicht en trouw aan Geus
heerst van Zuid tot Noord



Um te böäke

Zoiets kinse ni plenne. Ut haet zoë motte zien.

Wat is d'r now nag sjieker vur enne arties as ut LVK
in eige dörp te kinne viere en det dan ok nag te
meuge winne.

Grüüets is dink ik ut gooje woord. Grüüets op alle
vreejwillegers, muziekschriever, teksdichters, zan-
gers en zangeressen, stichting LVK etc etc.

LVK steit vur vastenaovend in gans Limburg. En zoë
hebbe weej ut altiëd wille ervare, en nâg steeds,
en zoë mot ut ok blieve.

Baersdonck in Grubbevors, heerlijk.

Ut LVK bliëf os dierbaar en as we dao op ein of an-
dere menier en beejdrage aan kinne leve, gaer!
Dus, bääke, zeker ni, geneete.

We zeen ôs

De Toddezèk

De Toddezèk

En det geveul kosse vurrig jaor wir letterlik veule,
ok achter de coulisse.

We bestaan dit jaor 11 jaor, waovan we 8 kiér op
det prachtige podium hebbe meuge staon.

Dreej kiér mochte winne, eine kiér 2e en eine kier
3e, en prachtige serie en vur ôs en moei moment
um op eige krach verder te gaon. Netuurlik blieve
we met nieje liedjes komme en gaon we bv met
halfvaste en nieje oetdaging aan, in de vorm van
en mini revue met collega artieste, in theater de





LIMBURG VASTEN
AVONDSE KONKOKER
WISSELTROFEE

Bjorn van Berkel

Teksdichter: *Martijn de Jong & Bjorn van Berkel*

Compenis: *Martijn de Jong*

Plaats: *Grubbevors*



Bis dich det?

Refrain:

*Bis dich dae mins ni, dae gister zweijde.
Wiej ôgge wage naeve dreijde.
Bis dich dae mins ni, dae schoen verkleijde.
De gings de gansen aovend los.
Ik hâj dich heej op straat ni zoë herkend
Krutjuu, ik zeen, dich bis daezelfde vent.
Bis dich dae mins ni, bis dich de prins ni!
dae allein mår blaere kôs: Lalala*

Koeplet 1:

Iets sprook mich eemes aan op straat,
zeg meug ik dich wât vraoge.
Ik bin de vastenaovend kwiét,
dao is nikks vân gelaoe.
Mien knäök die doon al daage pien,
mien stum gans heis gewaore.
en ik bin mien muts verlaore!
Toen zei ik taege um...

Koeplet 2:

*Hae dôch deep nao, en hakkelde:
ut is wât laat gewaore.
Ut ônderste môs oét de kan,
ik bin de film verlaore.
Messchien heb ik toch stiekem
wât konfetti opgesnaove!
Ut kump straks wal wir baove,
dus zei ik taege um...*

Brök:

*Ik noom um beej de erm, en zei
de mos dich now ech jage.
Want zonder enne hoegheid geit
't fiesje ech ni slage.*



Alaaf Airlines

Teksdichter: *Alaaf Airlines*

Compenis: *Alaaf Airlines*

Plaats: *Helje*



Limburgs paspoort

Refrein:

*Limburg is mien lank, mien leefde en mien laeve,
det is mich ingegaeve mit vastelaoveszin.*

*Ich heb mien paspoort bei de hank,
want dao steit in besreeve,
det ich al mien ganse laeve unne Limburger bin!*

Koeplet 1:

As ich wiedewig bin, dan dink ich dök aan hoes.
Neet ins um det te misse, ich veul mich altied thoes.
Det kumpt door wat ich mitmaak, en alles wat ich doot.
Det zit bei mich van binne, ut kumpt vanoet ut blood.

Wie se duis, wie se kals en was se oethals,
ging d'r mit de papplepel in.
Waor ich bin, waor ich gaon en wat ich oetstraol,
kumpt umdet ich hej gebore bin!

Koeplet 2:

Mit det Limburgs paspoort zeuk ich mien grenze op.
Zit overal en nörges de wèrreld oppe kop.
Zoeë drök ich miene stempel, ich proos, geneet en lach.
Ich zoej neet angers kinne, 't wört has van mich verwach.

Wie se duis, wie se kals, en was se oethals,
illikein dae wit wie ut zit.

Waor ich bin, waor ich gaon en wat ich oetstraol,
Limburg draag ich altied mit mich mit!

Koeplet 3:

Bis se neet van hej, mer heet ut dich bekoord?
En wils se mit os vastelaovend viere?
Dit fieës det vluug vurbej, dus spring bei os aan boord,
dan gaon wae dich de vastelaovend liere.

Ut is mit dich gedaon! En des pas ut begin.
Want as wae os verstaon, dan Lim-burger ich dich in!

Wie se duis, wie se kals en was se oethals,
doe hees toch zonne pas auch oppe tes.
Waor ich bin, waor ich gaon en wat ich oetstraol,
dit trots geveul det ongersjeidt os van de res!

Ronald en Carien

Teksdichter: *Robert Janssen*

Compenis: *Ronald Moonen*

Plaats: *Wieërt*



Vastelove-love-laovendj

Refrain:

*Vastelove- vastelove- vaste-love-love-laovendj,
Heij! Ich haoj van dich.*

*Vastelove- vastelove- vaste-love-love-laovendj,
Jao, dich huurs bee-j mich.*

*Weej de clown bee-j de lach,
Beppie bee-j de nach,
Schmink bee-j mien sjnoeht,
de trom bee-j de toet.*

*Vastelove- vastelove- vaste-love-love-laovendj,
Heij, ich veul beslis,
Det dit love-love-love leefdjje is.*

Koeplet 1:

Wi-j ich dich ins zoog loupe as un sprookjeskoningin,
Waas ich in eine slaag door dich betoverd.
Ich booj dich un sneeuwwitje aan en det waas ut begin
Van wie ich dich dae aovend heb veroverd.
Vae dansje en vae zonge, en höfdje auch ut glaas.
En zoge in os auge det dit waore leefdje waas.

Koeplet 2:

Dur wore veul charmant verkleidje maedjes in de zaal,
Zooe fabel achtig schoeën en hieële leeve.
Mer dich gings vastbesloten met mien hertje aan de haal.
Ut waas van dich en t' is van dich gebleve.
Ich heb noeets durve druime, det dit gebeure kos.
Jao met de vastelaovundj is de leefdje echt begos.



Sint Kômpenie Sjötterie in oprichting oet Meas

Teksdichter: *Bert Salden*

Compenis: *Guus Steinen*

Plaats: *Meas*



Mien favoriete nummerke

Refrein:

*Nei, mien favoriete nummerke is ellef
Mit vasteloavend geit hie alles wie vanzellef
Twjè eine neavenein
Die blieve feijn bieein
Ein van die allein is neet de hèllef
Drej ze ôm, of zèt ze oppe kop
Ze blieve altied stoan
Mer es 't op dinsdigoavend twellefsleit
Dan is de vasteloavend weer gedaan*

Koeplet 1:

*Mit 39 krieste nasi goreng
Bie mjè es 50 geiste al te hèl
Mit 4711 ruukste lekker
En twjè is sjus 'n stèl
Mit dertiën wilt 't mer neet lökke
Eine minder dat is 'n dozien
Veer knepkes op ein rieke
Dat is nog lang gein kien*

Koeplet 2:

*De Maas is bienoa 1000 kilomeater
Plus en minus is zwoaget wie ôngevjer
In e beerglaas doa geit 18 centiliter
En dèks is kjer op kjer
Drie kjer zûs, dat is de antikristes
De apostele die woare mit z'n twellef
En nul is gaaroet nikskes
Geaf mich-altied mèr de ellef*



De Geliënde

Teksdichter: **Maurice Pluijmakers**

Compenis: **Jos Gijzen**

Plaats: **Hölsberg**



De trääöt laeg

Refrain:

*Ich höb de trääöt laeg, ich höb de trääöt laeg,
meh die waor hagelevol!*

*Ich höb de trääöt laeg, ich höb de trääöt laeg,
van de confetti en de sjlingers sjting ze bol.*

Dao zoot vanalles in mien bas:

*d'n hood, de sjtrik, de sjluppejas,
'ne hiëring puilde d'r oet.*

*'t Glaeske beer, de frikandel,
d'n hauve haan, de zjarretel,
lèk dat dien vrouw 'ns oet...*

*Ich höb de trääöt laeg, ich höb de trääöt laeg,
meh die waor hagelevol!*

Koeplet 1:

Gisteraovend waor v'r mit de sjpaskapel op sjtap,
jong, dan riet v'r 'm eine bie!

Veer blaoze es v'r serenades bringe aan de tap,
ós de lange oet de prie.

Meh opins toen veel ich sjtil,
ich kreeg gein noat miè oet die toet;
ze repe: "Blaoze! Blaoze!"

Ich heel ze op de kop,
toen veel d'n hauve oetzèt d'r oet,
en ich zag: "Noe kiek toch hie:"

Koeplet 2:

Limburg haolt mit vastelaovend alles oet de kas,
jong, dan riet v'r 'm eine bie!

't Lètste kletske energie weurt omgezat in sjpas,
en dat raos ós door de prie.

Meh esjgoonsdig weurt 't sjtil,
v'r kriege nieks miè oet de trääöt;
al roop v'r: "Blaoze! Blaoze!"

De klanke die verweijje
wie confetti in de gäöt,
zoa vaerdig wie nog nie.

W-Dreej

Teksdichter: *Quinn Warmerdam*

Compenis: *Quinn Warmerdam*

Plaats: *Venlo*



Hiélemaol los!

Refrein:

Weej gaon heej hiélemaol los,
Det doon weej koste waat kos,
Weej laote hiél efkes los,
Waat ós luët dinke.
En waat vandaag is gelök,
Verbindt ós daag aan ein stök
En met bedraag, zulle weej dök,
De glazer klinke!

Intro:

Veul de toeëne van dit leed,
Met zien krach griep ut dich beet.
Laot dich gaon in de struim van 't gelök.
Wie de nevel door de bös,
Völt dien waereld zich met rös.
En de vinds de brón van laeveslös

Koeplet 1:

De brón die is al gevónde,
Zien noow hiélemaol 'ZEN'!
Veule ós heej verbónde,
Met iddere echte vastelaovesfen.
Ut is tiéd!
Vastelaovend, weej zien zoeë wied.

Koeplet 2:

In dae 'carnavalmodus'
Veule weej det ut klop
Wets metein det ut good is,
Van vastelaovend knapse lekker op.
Wie gedach,
Zusse det noow gans Limburg lach.

Duo Op Ós!

Teksdichter: *Lilian van Eijs*

Compenis: *Ronald Claessens*

Plaats: *Gelaen*



Belaef vandaag!

Refrain:

*Belaef vandaag
Geneet d'r van
Belaef vandaag
Zoalang 't kan
Geneet maak sjpas en höb plezeer
Want zoa'ne daag dae kump noajt meer
Belaef vandaag
Geneet d'r van
Belaef vandaag
Zoalang 't kan
Laot sjtraks dien traone gaon
Es vastelaovend is gedaon*

Koeplet 1:

*Nachte loogs te wakker
Te dreije aan 'n sjtök
De wis hae ging kómme
De vastelaovend is weer trök
Vanaaf de vreuge mörge
Es diene wekker geit
Wètste deze daag
Wurt de sjoanste dae besjteit
Geneet maak sjpas en höb plezeer
Zoa'ne daag dae kump neet meer
Verlange nao dae sjoane tied
Dat doon veer toch zoa gaer*

Koeplet 2:

*Alle daag die vloge
't Ganse jaor veurbieij
Mer nao heel get nachte
Is vastelaovend noe weer hiej
Geneet mit volle teuge
Geneet zoa lang 't kan
Dees daag te belaeve
Dao weit veer alles van*



De Herringbiessere

Teksdichter: *Piet Godschalk*

Compenis: *Piet Godschalk*

Plaats: *Bóches*



Durf tse leave

Refrein :

*Durf tse leave,
durf tse dreume,
durf tse zieë zoe wietste bis
bekiek de wilt mit eege ooge,
da kinstie zieë wie sjun ze is
koom ozze vasteloavent viere,
veul diech heem, weats doe och bis
want drei daag vida loca,
dat is os allersjunste fes*

Koeplet 1:

*Biste sjwats of biste wies,
biste erm of biste riech
oonger dezelfde zon jeboare,
zunt v'r allemaal jeliech
jidder miensj is aangesj,
mit inge eege sjmaach
mer ee dink hant v'r allemaal,
en dat is ozze laach*

Koeplet 2:

*Wie d'r daag va murje wead,
kint diech huuj nog jinge zaache
Mer wat d'r och jebeurt,
jank diech doa nit jik vuur maache
reant 't haste pech,
sjiengt de zon haste jeluk
pak dieng kanse, duch die dink,
kiek noa vuure, nit tseruk*

Koeplet 3:

*Woats doe och jeboare bis,
op dis jroeëse wilt
doe mots die leave leave,
woa 't diech 't bitst bevilt
zitste likker in die vel,
en jeleufs in watste dees
haste ummer vasteloavent,
en 't leave is ee feest*

LVK09

Pim van Wylick

Teksdichter: **Marij Gijsen**

Compenis: **Pim van Wylick & Jerome Lenders**

Plaats: **Kessel**



Goijendaag!

Refrain:

*Dich bis de daag in miene nach
Dich bis de traone die ich lach
Dich bis de kleure op mien snoet
Hé vastelaovend!!!
Dich bis de vlinders in mien maag
Det Limburgs goud met volle kraag
Bis ut geveul van lekker laeve...
Goijendaag!!*



Koeplet 1:

*Zegk moog ich ens vraoge
Wets dich auch wie det ut veult
As huul deep van binne
Weer zo'n melodietje speult
Klanke van.." 't is weer zoe wiët"
Hae kumt der aan dae sjoëne tiëd
Huur ut van binne...ut klinkt
As idderein in Limburg zingt*

Koeplet 2:

*Zegk moog ich ens vraoge
Wets dich auch wie det ut is
As vandaag wie gister
Maar nog net wat sjoëner is
Same met dich erm in erm
Van boëte en van binne werm
Laot ut gebeure...geneet
As idderein in Limburg zeet*

Brök

*Ich hoof ut eigelik neet te vraoge
Umdet ich net wie idderein weit
Dit is ut aller aller sjoënste wat besteit!!!*

Scoreformulier Finale LVK 2015



			Hoofjury LVK	LVK-finaliste-jury	Jury A.A.	Vastelaoves-jury	SMS/Tillefoon	Totaal	Plaats
	In volgorde van optreden:	Plaats	Jury1	Jury 2	Jury3	Jury4	Jury5	pnt	
01	<i>Bis dich det?</i>	Grubbevors							
02	<i>Limburgs paspoort</i>	Helje							
03	<i>Vastelove-love-laovendj</i>	Wieërt							
04	<i>Mien favoriete nummerke</i>	Meas							
05	<i>De träöt laeg</i>	Hölsberg							
06	<i>Hiélemaol los!</i>	Venlo							
07	<i>Belaef vandaag!</i>	Gelaen							
08	<i>Durf tse leave</i>	Bóches							
09	<i>Goijendaag!</i>	Kessel							
10	<i>Wat neet is...</i>	Heële							

Scoreformulier Finale LVK 2015



			Hoofjury LVK	LVK-finaliste-jury	Jury A.A.A.	Vastelaoves-jury	SMS/Tillefoon	Totaal	Plaats
	In volgorde van optreden:	Plaats	Jury 1	Jury 2	Jury 3	Jury 4	Jury 5	pnt	
11	Madamameniksoét	Melderse							
12	De drie Keuninge	Meersje							
13	As ich mer danse kin	Hunsel							
14	Iech kin de wereld aon!	Mestreech							
15	Letste in d'n optoch	Venlo							
16	Es vastelaovend Limburg bénne velt	Zöstere							
17	Ram oet de moat	Baek							
18	Proonke!	Mestreech							
19	Vladimir	Kirchroa							
20	Kolder in de kôp	Haors							

*Bij gelieke sjtand wurt gekeke nao de punte van de LVK-hoofjury

Herriemenie Miserabel

Teksdichter: *Bart Storcken & Emil Szarkowicz*

Compenis: *Bart Storcken & Emil Szarkowicz*

Plaats: Heéle



Wat neet is...

Refrain:

*Wat neet is, dat kin nog kome
Ig hub 't rood gael greun veur de auge
Is 't neet huu dan is 't murge
Mit de vastelaovend hubbe veer ging zurge
Is t neet vreug, dan is 't laat
En noe sjton ich gans alling hie op dor maat*

Koeplet 1:

*Ig zoag ein heel leuk maedje,
ig dink die zuut mig aug waal sjtoan
Missjen wilt die mit mig uns danse goan
Ig vroag wat wilse drinke, mer witse wat 't zag
Sjei oet, hou aaf nog neet missjen alaaf*

Koeplet 2:

*Bin vuur carnaval geboare
dus ging ig noa de elveroad
Om prins te kinne waere,
sjnuupkes sjmiete op de sjtroat
Ig vroag wat wilt geer drinke,
mer wits wat woeët gezag
Sjei oet hou aaf, nog neet missjen alaaf*

Brök:

*Soms zit 't effe taege mer dat maak tot gaar nik s oet
Wat huu neet is kump murge waal dus zing en laef dig oet
Geneet noe van t laeve 't is vastelaovestied
Al bisse de bonne, dieng vrung,
de ganse santekroam weer kwiet*

La lala, lala la laaa la...

*Is 't neet vreug dan is 't laat
En noa sjton ich ganz allein hie op dor maat!
Als ze in de raege lups dan wurse naat!
OEF! Toen moosj ig noa de pot mer woar te laat!
En dit is de letste zin, noe sjtop de plaat!*



De Cornetto's

Teksdichter: *Ed Vullings*

Compenis: *Petri Vullings-Boots*

Plaats: *Melderse*



Madamameniksoét

Refrain:

*Madamameniksoét, madamameniksoét
aas ik ma vastenaovend viere kaan
Madamameniksoét, madamameniksoét
daan trek ik meej dao lekker niks vaan aan
hoe entoezjas daat ik ok vaanteveure waas
toch kriég ik continu d'n deksel oppe naas
Madamameniksoét, madamameniksoét
aas ik ma vastenaovend viere kaan
Madamameniksoét, madamameniksoét
daan trek ik meej dao lekker niks vaan aan*

Koeplet 1:

In dun optocht daat is ieder jaor wer vaste prik
koom, ge wet toch wal daen iëne,
juust jao, daat bin ik
Mien crejaasies die zién aaltiéd wer hilaries
in kleine kring bin ik behuurlik legendaries
Ik loëp meej ieders kier wer duchtig te bewiéze
't is toch te gek ma ik val noeits neet in de priéze

Koeplet 2:

*Ik waas toe aan hiël iets anders en heb meej bedôch
snel dit hiële fijne gruupke beej mekaar gezôch
aas weej zinge kleenke weej woej nachtegale
ge zut toch zegge daat weej de finale hale
nouw is ut waal zoë daat weej zoonder kongkurensie
waarschienlik zelf toch ôs aallergrutste fans zién*

*Daan trek ik meej dao never noeits
neet um dun doeijen doëd
en vaan ze lang zal ze laeve nikс vaan aan*



't Maog Geine Naam Höbbe

Teksdichter: *Eric Reck & Charel Jeuken*

Compenis: *Eric Reck, Charel Jeuken & Luc Volders*

Plaats: *Meersje*



De drie Keuninge!!!

Refrain:

*Wat höbbe die drie Keuninge dat good gedoon,
Door midde in de winter nao dat kribkè toe te goon,
Ze vreevè zich ins effe door de aogè,
Die wis'te, wie men zaet, neet wat ze zaoge,
Jozef en Maria auch de herders waore blie,
Die maak'de toen van gekkigkeit 'n hjèlle lange rie,
Dae nuu-jè dans, dae kôs hun waal bekoorè,
In de keersj-stal is de polonaise geboorè...*

Koeplet 1:

*Midde in de winternach, zie waorè oondèrweeg
Èn zaoge aan d'n heemèl dao 'n prachtig sjterrè-leech
D'n ingel zach: "Hey Keuninge,
noe kiek is dat neet gaaf?"
Dae hoofde nik's te zègke,
waore die de weeg al-aaf
't is gein grap, 't is èch neet verzonne,
Dao in dae keersj-stal is 't allèmaol begonnè...*

Koeplet 2:

*Dit jaor mèt de keersj-mès, zat ich mienè keersj-stal op
Toen spookdè mich dat fillèmpke
weer gans door mienè kop,
Mien vròwke zach "zègk leeve sjat,
bis dich soms gèt door-ein?"
Wae zèt noe in de Keersj-stal alle beeldsjès achterein?
Èn 's-aovès laat, wie kèrek-klokke Kloontè,
Op die drie Keuninge höb ich mich eint gedroonkè,*

Brök

*Èn wet'ste wat noe auch nog ins, 't sjiekè is van al?
Zoondè dae kleinè in dat kribkè,
waor d'r geinè Carnaval!*



Marleen Rutten

Teksdichter: **Mark van Mellekom & Marij Gijzen**

Compenis: **Mark van Mellekom & Niek Dirkx**

Plaats: **Hunsel**



As ich mer danse kin

Refrein:

*As ich mer danse kin
En vastelaovend same veere
Auch al num s doe al die peskes neet zoe nauw
En traejse mich op tied de tieëne bondj en blauw
As ich mer danse kin
Ut leefst mit dich dus blief probere
Kom pak mich ins lekker vas
Hiej kumtj gein dansles aan te pas
As wae os mer ammesere*



Koeplet 1:

Doe wits mich eder jaor weer te verrasse
Dao kumt 'r alweer aan met al die passe
Wae 'walse' alles plat de gansen aovendj
En gaeve unne 'twist' aan vastelaovendj
Al geis se in 't rondj wie unne kloon
En is ut of ut liektj, det eder nao os kiektj
Mer d'r is ein dink, waat ich met dich wil doon

Koeplet 2:

Dao kumtj dae leeve sjat van mich weer vraoge
Of ich mich aan dae 'tapdans' durf te waoge
Dao kint hae zich met hert en zeel aan gaeve
Al geit ut 'cha cha cha' 'ns flink der naeve
Hae kaltj get dubbel: "kiek ins wat ich can (can)"...
Terwiel ich best waal weit, det ut der naeve geit
Zek ich kom op, maak hie ein fieësje van

Brök

Hubse waal of gein talent des met dees daag egaal
Ut geit om stumming in de tent...
det kinne wae hie waal

Nick en Patrick

Teksdichter: *Patrick van de Weijer*

Compenis: *Patrick van de Weijer*


Plaats: *Mestreech*



Iech kin de wereld aon!

Refrein:

*Iech kin 't... iech veul 't... iech höb 't
daorum gaon iech miene gaank, gaank, gaank,
drei daog laank
verklei d'ch, verblij m'ch en vier mèt miech
de sjoenste vastelaovend aan de Maos
Iech kin 't... iech veul 't... iech höb 't
daorum leef iech in de glo-ri-aaa
verklei d'ch, verblij m'ch
en zingentere plökke veer d'n daag*



Koeplet 1:

't Waor miech weer e jaor, de aofgeloupe maonde
'ne lach meh och 'n traon, altied wel get gaonde
Stèl neet langer oet, noe moot 't gebäöre
Kiek neet achterum, loer allein nao väöre

Dus roop oet volle boors, in dee reijaloet...
IECH KIN DE WERELD AON
en gaon vendaog d'r op oet!

Koeplet 2:

Noe pak diech 't momint, geneet vaan al die ore
Maak vrun en maak plezeer, veul diech wie herbore
Gaank nog neet nao hoes, veer blieve hei nog eve
Kom en sleet mer aon, lach 'ns nao 't leve

Dus roop oet volle boors, in dee reijaloet...
IECH KIN DE WERELD AON
en gaon vendaog d'r op oet!

LVK15

2 x 2

Teksdichter: ***Marc Peters***

Compenis: ***Hay Geritz***

Plaats: ***Venlo***



Letste in d'n optoch

Refrein:

*Ik zoel zoëgaer ens letste in d'n optoch zien
det heb ik noeits gedaon.*

*Dan kniép mich in d'n erm of ik druim misschien
as ik op dae wage staon.*

*Zoë door de stad det ganse stök,
det gebeurt dich neet zoë dök.*

*Ik zoel zoëgaer ens letste in d'n optoch zien,
waat heb ik dan gelök.*

Fine:

*Ik zoel zoëgaer ens letste in d'n optoch zien,
dan heb ik pas gelök.*

Koeplet 1:

*Ik win de vetste priéze, in minnig loëterie.
En anders waal mit toepe, det win ik steeds opnie.
Bin iérste in 't hebbé van gelök,
maar iérste och det waer ik al zoë dök.
En daarom wil ik gaer, det ik ens letste waer.*

Koeplet 2:

*Ik kreeg al ens as faatse, de Veldeketrofee.
Deej mei mit groëte groepe, de moeiste ware weej.
Mit wages bouwe had ik al succes.
Die priéze ach die vind ik aevel bes.
De moeiste priés vind ik, is dae dae nog ôntbrik.*



Spik en Span

Teksdichter: *Bas Keltjens*

Compenis: *Mark van Mellekom*

Plaats: *Zöstere*



Es vastelaovend Limburg bêinne vîlt

Refrain:

Es vastelaovend Limburg bêinne vîlt
Nao desse waeke lang höbs aafgeteld
Wurt veur êns en altied vasgesjtêld
Dit is 't sjoonste oppe welt
Hohohohoho, Kom oet dae wêntjersjlaop.
Hohohohoho, hiej geit het gaas ram aop
Es vastelaovend Limburg bêinne vîlt
Is det 't sjoonste oppe welt

Koeplet 1:

Wêtse waem te sjprênge sjteit
Es mit dees daag de wekker geit
En biej zien sjpek-mit-ei-ontbijt
Al vastelaovesleedjes dreijt

En wêtse waem d'r aan wilt gaon
De voicemail al haet aan gedaon;
de blik op puur gelök haet sjtaon
En gein minuut wilt euversjlaon

Jao det zeen weer allein
En nörges anges gein
Want hiej wêt ederein...

Koeplet 2:

Wêtse waem d'n ober wink
omdet zien sjtöm get sjaemel klink
Waal zes kier ziene lêste drink
mer aan nao hoes gaon gaar neet dink

En wêtse waem nog laeve maak
De leedjes door de sjtraote kwaak
Neet oet-ge-vastelaovend raak
en de sjtrijd as lêste staak

Jao det zeen weer allein
En nörges anges gein
Want hiej wêt ederein...

Brök:

Geine van boete sjnap,
oet waat veur vaetje wurt getap,
hiej wurt drie daag op het gaas getrap



Döbbel 3

Teksdichter: *Cel Dewaide*

Compenis: *Frank Zaunbrecher*

Plaats: *Baek*



Ram oet de moat

Refrain :

Sjtop, mit dat in de pas laope

't kèn noe eave ram oet de maot

Kèns 't gelök toch neet kaupe,

Vungs 't waal, bie oos oppe sjtraot

Wils' Vastelaovend lière kènne?

Veul dan wie 't kènt zin.

Kump t al langzaam bie dich bènne?

Kiek om dich heen, de sjteis al midde drin!

Intro:

Sjtop, mit dat in de pas laope

't kèn noe eave ram oet de maot

Koeplet 1:

Kal noe neet, dat hie get, toch neet geit

Of dat t neet besjtéit

Loat mèr goan, want dich wèts, de krigs de geis

En dan gekke dinger deis

Maak ins sjpas, doon ins mit, kóm d'r bie

Drie daag zin zwoa veurbie

Bén neet bang, en loat goan, doog neet zwoa fien

Want gek doon deit gein pien

Wie ne malloot, llopste veurop

En noe ins zonger, rwoaje kop

Koeplet 2:

Ach noe kiek, 't 's al weg, dae sjeam bie dich

Sjus wie dat lank gezich

Volges mich, zuuste noe, dit is gelök

En vils auch neet meer trök

Want doe geneets, zwoawie 't geit

Van dien eige, sjtommigheid



Katja

Teksdichter: *Eric Reck & Charel Jeuken*

Compenis: *Eric Reck*

Plaats: *Mestreech*



Proonke!

Refrein:

Noe môs'te ûs weer ins zien proonkè,
Kiek noe toch hei is dat neet sjoen?
't hoegstè leed weurt weer gezoongè,
't môt toch èch neet gekkèr weurè, hei is ût te doen!
Noe môs'te ûs weer ins zien proonkè,
En eederein straolt vaan gelök,
V'r vierè saamè Vastelaovend,
En dat drei daog aon è stöök, 2x



Koeplet 1:

Weekè vaan tèvereure, de zuus 't aon de kleurè,
Limburg kreig zien allèrsjoenste pèkskè aon,
Ût is ûs weer gegeevè, v'r maagè 't beleevè,
Goon door tot aon 't krèj-jè vaan d'n haon
Stoon veer gèzellèg weer bei-ein,
Daan zègke veer mèt 'nne lach weer teege-ein

Koeplet 2:

Veer zien de door bevaangè, medaaiès ûm te hangè,
Loer mèr ûm diech heen, zuug noe die kleureprach,
Alles ûm 't eevè, de veuls diech riechtig zweevè,
Ût ganse jaor höb iech hei op gewach
Zègk kastelein, veur tot iech gaon,
Hâw ûs gleeskès nog mèr 'ns oondèr de kraon,

Brök:

Èn hermeniekes speulè, de geis is oet flès
Die roed-geel-greune meulè, dat is Limburg op zien bès

Ummer d'r Neaver

Teksdichter: ***Ummer d'r Neaver***

Compenis: ***Ummer d'r Neaver***

Plaats: **Kirchroa**



Vladimir

Refrein :

Vladimir, Hei Vladimir,
van ós kries doe deë vlaam nit mieë
Vladimir, Hei Vladimir,
doe kries deë riestevlaam nit mieë
Vladimir, Hei Vladimir,
deë vla, deë vla, deë vlaam nit mieë
Vladimir, Hei Vladimir,
alaaf en bis de niékste kier

Koeplet 1:

D'r Vladimir, deë Roes, deë helt va jage,
alles wat heë ziet dat wil heë han
Angej beijnt heë werm tse klage,
joa de janse welt die wit d'r van

Mar an ós Limburgers, doa kriet heë inne helle,
al sjlist heë os 't jaas jans aaf
Dat zal de KJB hem waal vertselle,
drink diech inne vodka en hauw aaf

Koeplet 2:

D'r Vladimir kunt dökser bij d'r bekker,
en zeët: "Alles wat hei sjteët dat is va miech!"
"Nondedjuu, deë rieste is waal lekker
en don miech och deë hoave bienesjtiech"

Mar an ós Limburgers, doa kriet heë inne helle,
al sjlist heë os 't jaas jans aaf
Dat zal de KJB hem waal vertselle,
drink diech inne vodka en hauw aaf

Brök:

"Ikke wolle vlaamski" zeët Vladi teeje Timmermans
"Ikke rieste vlaamski" zeet Vladi teëje Timmermans

Mar 't aller aller betste sjprikt d'r Timmermans Frans,
"Voetsjie Roeski, hei maats doe jing kans!"



Thijssen en Co

Teksdichter: *Thijs Kleeven & Cor Kuipers*

Compenis: *Thijs Kleeven*

Plaats: *Haors*



Kolder in de kôp

Refrein:

We hebbe de kolder in de kôp,
en drinke dao en gleske ôp.

't Is heer hielemoal te gek,
alde jonges krente wek.

Ut is ôs in d'n bol geslaage,
ma ach, dát kunne we schon verdraage.

We zien nag jonk en we wille wát,
en die os kenne joa die wiete dát

Koeplet 1:

't Is ech te gek joa zet ik meej en hütje ôp,
waat koekeloere en bonjoere.

Geluuf meej má dá stoj ik al has op de kôp,
en alle remme die goan Los.

Dát giët beej meej ván zelf, ik goj d'r teage á,
't Mooie is ik liëj dr, hielemoal nikс vá.

Koeplet 2:

En as geej meej da zït, da denkt geej meschien,
waat enne rare 'n halve gare.

Ik kán 't ow waal zegge joa 't duut gen pien,
gewoon is efkus anders zien.

Mit meej kan ik ow zegge , is hielemoal nikс mis.
Ik zuj ow adviseren, probeer 't zelf is.

Brök:

Neet um 't ién of ander 't-is hoe ge dát wilt zi.
Ik zeg ma ált 'n bitje gek, is zo gek nag ni.

Fine:

We hebbe de kol... de kolder in de kôp,
en drinke dao en lekker gleske ôp.

't Is heer hielemoal te gek,
alde jonges krente wek.

Ut is ôs in d'n bol geslaage,
ma ach, dát kunne we schon verdraage.

We zien nag jonk en we wille wát,
en die os kenne, joa die wiete dát



Publieksjtumme per SMS of telefoon

Auch geer kint mitbepale wae 't LVK-2015 geit winne.

De publieksjtumme telle veur 1/5e deil mit in de eindoetsjlaag.

Geer kint mètdoon door ein sms te sjikke of te belle en op **drie unieke leedjes** te sjtumme.

SMS € 0,70 per sms		SMS nao 4422
01 Bis dich det?	Grubbevors	01
02 Limburgs paspoort	Helje	02
03 Vastelove-love-laovendj	Grubbevors	03
04 Wat enne moijen dág!	Wieërt	04
05 De träöt laeg	Hölsberg	05
06 Hiélemaol los!	Venlo	06
07 Belaef vandaag!	Gelaen	07
08 Durf tse leave	Bóchus	08
09 Goijendaag!	Kessel	09
10 Wat neet is...	Heële	10
Telefoon € 0,70 per gesprek	0909 – 202 70 30	

Veurbeeld SMS:

LVK spatie 01 spatie 02 spatie 03

of bel nao 0909-202 70 30 en volg de instruksies.

SMS € 0,70 per sms		SMS nao 4422
11 Madamameniksoét	Melderse	11
12 De drie Keuninge	Meersje	12
13 As ich mer danse kin	Hunsel	13
14 Iech kin de wereld aon!	Mestreech	14
15 Letste in d'n optoch	Venlo	15
16 Es vastelaovend Limburg bêinne vêlt	Zöstere	16
17 Ram oet de moat	Baek	17
18 Proonke!	Mestreech	18
19 Vladimir	Kirchroa	19
20 Kolder in de kôp	Haors	20
Telefoon € 0,70 per gesprek	0909 – 202 70 30	

Euverzich winnaars 't Limburgs Vastelaovesleedjes Konkoer

JAOR	HERKOMS	TITEL	COMPENIS	TEKSDICHTER
1977	Mestreech	Vaan Eysde tot de Mokerhei	J. Innemee	B.Salden
1978	De Ruiver	De zaagte geej	J.Theelen	A.Wassen
1979	Gelaen	Dan kal ich plat	B.Erkens/T.Arts	B.Werkens/T.Arts
1980	Zitterd	De beierheering	H.Wijnands	H.Wijnands
1981	Remunj	De vastelaovend heurt biej Limburg	N.Reijners	N.Reijners
1982	Göttekaove	Zoa moosj 't kenne blieve	G.Steinen/G.Waumen	G.Steinen/G.Waumen
1983	Gelaen	Mie Limburgs blood	B.Erkens	M.Zijlstra-de Loo
1984	Meersje	Doa moste mèt ljière léve	L.Volders	L.Volders
1985	Gelaen	Hawt 'm vas de vastelaovend	Bert Dijcks	J.Ridderbeekx
1986	Mestreech	Jao heij in Limburg	J.Duchateau	J.Duchateau
1987	Lin	Wiebölle	J.Evers	P.Evers
1988	Venlo	Minse wie weej	G.Aerts	F.Boermans
1989	Venlo	De knappe(rkke)	F.Boermans/G.Aerts	F.Boermans/G.Aerts
1990	Gelaen	Ich tik neet richtig	B.Erkens	M.Zijlstra-de Loo
1991	Venlo	Det is ein joekskepel op joets	J.Jacobs	S.Maaskant
1992	Venlo	Waat hebbe we 't toch good	F.Boermans/G.Aerts	F.Boermans/G.Aerts
1993	Tegele	'nne Late	P.van den Akker	P.van den Akker
1994	Venlo	Heej of dao	G.Aerts	G.Aerts
1995	Haors	De ganse santekraam	T.Kleeven	C.Kuipers

OETVEURENDE**FINALEPLAATS**

The Walkers	Gelaen
Lei Driessen	Gelaen
B.Erkens	Gelaen
P.Eijkenboom	Gelaen
N.Reijners/D.Reijners	Gelaen
De Zjweitvuit	Gelaen
Roed is Droof	Gelaen
Leon Volders	Remunj
Jan Ridderbeekx	Heélehei
Beppie Kraft	Gelaen
Duo twee plus	Gelaen
De Kammeräodjes	Gelaen
W.Vestjens en H.Cromvoets	Gelaen
Ben Erkens en zien maedjes	Gelaen
Hay en Paul Peeters	Gulpe
W.Vestjens en H.Crompvoets	Lin
Thei & Marij	Tegele
W.Vestjens en H.Cromvoets	Baek
de Wazelvotte	Roggel

de Bertha-Paulissen Trofee

foto: RedFrock Publishing

JAOR	HERKOMS	TITEL	COMPENIS	Teksdichter
1996	Mestreech	Drejje!!	U.& B.Garnier	U.& B.Garnier
1997	Venlo	Had ik maar	J.Gubbels	F.Boermans
1998	Ulesjtraote	Opzie, Opzie, Opzie	G.Jacobs	G.Jacobs
1999	Mestreech	Iech höb diech weer gevoonde	Bert & Ursula	U.& B.Garnier
2000	Venlo	Josefien	W.Roeffen	Roeffen/Boermans
2001	De Ruiver	Good geammezeerd	A.Wassen	A.Wassen
2002	Gulpe	Wie d'r Herrgot Limburg had gemaak	Ben Erkens	Ben Erkens
2003	Venlo	Dèh dan, dao isse	Peter Jansen	P.Jansen & W.Janssen
2004	Heële	Tweemaol aafgezeëg(en nog te kót)	Munstermann/Keularts	Munstermann/Keularts
2005	Bor	Wat zaeter?!	Ben Erkens	Heffels/Dullens/Erkens
2006	Lökkerich	Dat zit bie os in de femilie	Guus Stienen	Guus Stienen
2007	Grubbevors	Heej bliëf ik plekke	Rene Verschueren	Rene Verschueren
2008	Venlo	De kriebels	Frans Pollux	Frans Pollux
2009	Grubbevors	Ni miër en ni minder	Rene Verschueren	Rene Verschueren
2010	Venlo	Vandaag!	Quinn Warmerdam	Quinn Warmerdam
2011	Venlo	Kôm 's kiëke beej ôs	Quinn Warmerdam	Hannelore Winter
2012	Venlo	Doot 's gek	Quinn Warmerdam	Quinn Warmerdam
2013	Mofert	Laef, Limburg laef!	Ron Roemen	Ron Roemen
2014	Grubbevors	Onhendig leedje	Rene Verschueren	Rene Verschueren
2015	???			

OETVEURENDE

Duo Ammezasie
W.Vestjens & H.Crompvoets
Gaston en zien vrunj
't Merretkoer
W.Vestjens en G.Deenen
Dét môt kènne
Frans Croonenberg
P.Jansen & W.Janssen
Paul en Leo
Böshuuske Ontspannings Ver.
Kartoesj
De Toddezèk
Bram & Ruud
De Toddezèk
W-dreej
W-dreej
W-dreej
La Bamba
De Toddezèk

FINALEPLAATS

Hors a/d Maas
Gelaen
Wieërt
Belvend
Kirchrao
Neel
Blierick
Zitterd
Berg
Venray
Stein
Neel
Serum
Gelaen
Thoear
Kepèl
Mergraote
Zjwame/Neel
Grubbevors
Kirchroa



Winnaars 2001, Dét môt kènne

Index

Veurwoord veurzitter LVK
Veurwoord veurzitter orgenisasie, Kirchroa
Veurwoord burgemeester Jos Som
Limburgs Volkslied
Toddezèk (winnaar 2014)

pag	pag
2	12
4	14
6	16
8	18
10	20
1	Bis dich det?
2	Limburgs paspoort
3	Vastelove-love-laovendj
4	Mien favoriete nummerke
5	De trääöt laeg
6	Hiélemaol los!
7	Belaef vandaag!
8	Durf tse leave
9	Goijendaag!
	Score-formulier Finale
10	30-31
11	32
12	34
13	36
14	38
15	40
16	42
17	44
18	46
19	48
20	50
Mit sjtumme euverzich	52
Historie euverzich	54-55
	56-59

V r u n j L V K

Buro Pro Gelaen

Vip Productions

Webdesign & Multimedia

Schrijen-Lippertz

druk, print en multimedia

Laco-Glanerbrook, Gelaen

Café Ronckenstein, de Ruiver

Café-Zaal de Ster, Neel



MIT DANK AA:

WWW.KVV1936.NL

Wiertz
personeelsdiensten

U RENT
AUDIO LIGHT VIDEO
WWW.U-RENT.BIZ

VanMelick
the catering company



MIT DANK AA:

WWW.STICHTINGLVK.NL



GULPENER

De Vrije Brouwer



new energy systems



 **Volta Limburg.nl**
Warm en zeker